

**KILTIX® , za male pse**  
**KILTIX® , za srednje pse**  
**KILTIX® , za velike pse**

samo za upotrebu u veterinarstvu

## 1. Naziv veterinarsko medicinskog proizvoda

**Kiltix 1.25 g/0.28 g, ogrlica protiv parazita za male pse**  
**Kiltix 3.02g/0.68 g, ogrlica protiv parazita za pse srednje veličine**  
**Kiltix 4.5 g/1.013 g ogrlica protiv parazita za velike pse**

## 2. Sastav

1 antiparazitska ogrlica sadrži:  
Aktivne supstance:

	Dužina	Težina	Propoksur	Flumetrin
Kiltix, za male pse	38 cm	12,5 g	1.25 grama	0.28 grama
Kiltix, za pse srednje veličine	53 cm	30,2 g	3.02 grama	0.68 grama
Kiltix, za velike pse	70 cm	45 g	4.50 grama	1.013 grama

Žuta antiparazitska ogrlica.

## 3. Ciljne vrste životinja

Psi

## 4. Indikacije

Za tretman pasa protiv krpelja (*Ixodes ricinus*, *Rhipicephalus sanguineus*) i buhama (*Ctenocephalides canis/felis*) i za sprječavanje ponovne infestacije. Nakon primjene, ogrlica ostaje učinkovita protiv krpelja i buha 7 mjeseci.

Za pse sa parazitima i za pse kod kojih postoji rizik od miješane infestacije buhama i krpeljima. Veterinarski lijek je indiciran za upotrebu samo kada je potreban istovremeni tretman protiv buha i krpelja

## 5. Kontraindikacije

Ne koristiti kod štenaca mlađih od 3 mjeseca.

Ne koristiti na psima sa oštećenjem kože.

Ne koristiti na životinjama sa mehaničkom opstrukcijom probavnih ili mokraćnih organa, bronhijalnom astmom ili drugim plućnim i kardiovaskularnim bolestima, jer karbamati mogu potaknuti kontrakciju glatnih mišića.

Ne koristiti u slučaju preosjetljivosti na aktivne supstance ili bilo koju od pomoćnih supstanci.

Ne koristite ogrlicu istovremeno sa bilo kojim drugim akaricidom ili insekticidom.

## 6. Posebna upozorenja

### Posebna upozorenja:

Djeca trebaju izbjegavati kontakt sa životinjama koje nose ogrlicu

Držati dalje od hrane i stočne hrane.

Ogrlicu ne treba koristiti za igru, posebno ne od strane djece.

Ogrlicu ne treba žvakati ili sisati, posebno ne od strane djece.

Ogrlica je namijenjen za vanjsku upotrebu kao akaricid i insekticid i psi ga ne smiju gutati.

Treba uzeti u obzir mogućnost da druge životinje u domaćinstvu mogu biti izvor ponovne infestacije buhama i krpeljima, i ako je potrebno, treba ih tretirati odgovarajućim proizvodom.

### Posebne mjere opreza za sigurnu upotrebu kod životinjskih vrsta za koje je VMP namijenjen:

Krpelji koji dospiju na psa bit će uginuti i otpasti u roku od 72 sata, obično bez sisanja krvi. Nije isključeno pričvršćivanje pojedinačnih krpelja. Iz tog razloga, prijenos zaraznih bolesti krpeljima ne može se u potpunosti isključiti pod nepovoljnim uvjetima.

### Posebne mjere opreza koje treba poduzeti osoba koja daje veterinarski lijek životinjama:

Nakon rada s ogrlicom, temeljito operite ruke sapunom i vodom.

Osobe sa poznatom preosjetljivošću na aktivne supstance propoksur i flumetrin ili na bilo koju od pomoćnih supstanci trebaju izbjegavati kontakt s veterinarsko-medicinskim proizvodom.

Izbjegavajte kontakt s kožom i očima.

Ne pijte, ne jedite i ne pušite dok radite s proizvodom.

Ovaj veterinarsko-medicinski proizvod sadrži karbamat (propoksur). Ukoliko se pojave simptomi trovanja, potražite medicinsku pomoć.

### Posebne mjere opreza za zaštitu okoliša:

Ovaj proizvod je veoma toksičan za vodene organizme, ptice i pčele.

Psima sa ogrlicom ne bi trebalo dozvoliti da plivaju u vodama koje sadrže vodene organizme.

Ovaj proizvod može izazvati dugoročne štetne efekte u vodenoj sredini.

Ne zagađujte rijeke, korita rijeka, brane, rezervoare i druge izvore vode neiskorištenim proizvodom.

Ne koristite ambalažu ponovo. Praznu ambalažu treba uništiti ili odložiti u skladu s lokalnim propisima

### Graviditet i laktacija:

Nema detaljnih informacija o upotrebi tokom graviditeta i laktacije, Nijedna od aktivnih supstanci nije klasifikovana kao embriotoksična, teratotoksična, ili toksična za reprodukciju stoga se takvi efekti ne očekuju kod gravidnih životinja i ženki u laktaciji.

### Interakcija s drugim veterinarskim lijekovima i drugi oblici interakcija:

Ne koristiti ogrlicu istovremeno s drugim akaricidima i insekticidima.

### Predoziranje:

Zbog prirode ogrlice, predoziranje je nemoguće i ne očekuju se znakovi predoziranja.

Višestruka kontrolirana ispitivanja provedena su na psima različitih rasa, uzrasta i težina istovremenim postavljanjem dvije Kiltix ogrlice. To nije rezultiralo nikakvim znacima lokalne ili sistemske intolerancije (biohemijski i hematološki parametri, holinesteraza, status urina, reakcije u ponašanju).

Ako se ogrlica slučajno proguta ili sažvače, mogu se javiti simptomi trovanja karbamatom, kao što su pojačano slinjenje, sužene zjenice, povraćanje i proljev. U slučaju kliničkih znakova trovanja karbamatom, primjenjuje se simptomatsko liječenje i intravenski antidot atropin.

### Glavne nekompatibilnosti:

Nisu poznati.

## **7. Neželjene reakcije**

Vrlo rijetko (manje od 1 životinje na 10.000 tretiranih životinja, uključujući izolovane slučajeve):	Gubitak dlake na mjestu primjene, Svrab na mjestu primjene, Lezije na mjestu primjene, Crvenilo na mjestu primjene, Promjene na koži na mjestu primjene Poremećaj ponašanja, nemir Dijareja <sup>1</sup> , Povećano slinjenje <sup>1</sup> , Povraćanje <sup>1</sup> Svrab <sup>2</sup> , Crvenilo kože <sup>2</sup> Letargija
--	--

<sup>1</sup>Mogu se pojaviti nakon oralnog kontakta s veterinarsko-medicinskim proizvodom. Ako se pojave ovi simptomi, ogrlica se mora odmah ukloniti.

<sup>2</sup>Kod nekih životinja mogu se pojaviti nakon stavljanja ogrlice

Važno je prijaviti neželjene događaje. To omogućava kontinuirano praćenje neškodljivosti proizvoda. Ako primijetite bilo kakve nuspojave, čak i one koje nisu navedene u ovom VMP letku, ili mislite da VMP nije djelovao, prvo se obratite svom veterinaru.

U slučaju pojave ozbiljnih neželjenih reakcija ili nekih drugih neželjenih reakcija koje nisu naglašene na ovom uputstvu veterinar mora biti informiran i postupiti u skladu sa odredbama člana 26. Zakona o lijekovima koji se upotrebljavaju u veterinarstvu ("Službene novine Federacije BiH" br. 15/98 i 70/08)

## **8. Doziranje za svaku vrstu životinje, put i način i put primjene**

Mali psi - jedna ogrlica dužine 38cm (12.5g)  
Psi srednje veličine- jedna ogrlica od 53cm (30.2g)  
Veliki psi- jedna ogrlica od 70cm (45g)  
Za primjenu na koži.

Ogrlica je efikasna 7 mjeseci uz stalno nošenje. Trajanje efikasnosti zavisi od dužine dlake, aktivnosti životinje i stepena izloženosti parazitima u okolišu.

Izvadite antiparazitsku ogrlicu iz pakovanja i odvrnite je.  
Pazite da nema ostataka od plastičnih konektora s unutrašnje strane.  
Stavite ogrlicu oko vrata životinje bez previše zatezanja (trebalo bi biti moguće staviti dva prsta između ogrlice i vrata životinje).  
Provucite ostatak ogrlice kroz petlju i odrežite višak od 2 cm od prstena.  
Pravilno postavljenu ogrlicu treba periodično provjeravati i podešavati.

Prije kupanja i plivanja, ogrlicu treba skinuti i ponovo staviti kada se dlaka psa osuši. Ogrlica se mora nositi cijelo vrijeme. Djelotvorna je bez obzira da li se pas kreće ili miruje.

Krpelji koji dospiju na psa će uginuti i otpasti u roku od 72 sata, obično bez sisanja krvi. Nije isključeno pričvršćivanje pojedinačnih krpelja. Iz tog razloga, prijenos zaraznih bolesti krpeljima ne može se u potpunosti isključiti pod nepovoljnim uvjetima.

## **9. Savjeti za ispravnu primjenu**

Životinje sa ispucalom, zapetljanom i masnom dlakom treba okupati vodom i šamponom prije stavljanja ogrlice. Često vlaženje (kiša, plivanje, kupanje) može utjecati na učinkovitost ogrlice. Učinkovitost i trajanje djelovanja ovise o dužini, gustoći i stanju dlake, kao i o jačini infestacije. Ako je potrebno, ogrlicu zamijenite ranije, kada se njena učinkovitost smanji.

Gubitak efikasnosti može se provjeriti struganjem ogrlice metalnim predmetom. Ako je strugano područje bijelo, ogrlica je i dalje efikasna.

Buhe su prisutne u okolišu životinja (npr. kreveti, tepisi, zavjese) i potrebno ih je redovno tretirati odgovarajućim insekticidom. Ove mjere pomažu u smanjenju broja buha u okolini, čime se produžava efikasnost protiv novih infestacija.

## **10. Karenca**

Nije primjenjivo

## **11. Posebne mjere skladištenja**

Držati izvan pogleda i dohvata djece.

Ovaj veterinarski medicinski proizvod treba čuvati pod posebnim uslovima.

Ne koristiti ovaj veterinarski lijek nakon isteka roka trajanja naznačenog na kutiji nakon (EXP).

Rok trajanja odnosi se na posljednji dan navedenog mjeseca.

Rok trajanja veterinarsko-medicinskog proizvoda upakovanog za prodaju: 3 godine

Rok trajanja nakon prvog otvaranja unutrašnjeg pakovanja: ogrlicu treba odmah upotrijebiti nakon otvaranja.

## **12. Posebne mjere opreza prilikom odlaganja**

Veterinarsko-medicinski proizvodi se ne smiju odlagati u otpadne vode ili kućni otpad.

Ovaj veterinarsko-medicinski proizvod ne smije dospjeti u vodotokove jer propoksur i flumetrin može biti opasan za ribe i druge vodene organizme. Ne kontaminirajte rijeke, korita rijeka, brane, rezervoare i druge izvore vode neiskorištenim proizvodom.

Koristite programe povrata proizvoda za sve neiskorištene veterinarsko-medicinske proizvode ili otpadne materijale koji nastaju njihovom upotrebom u skladu s lokalnim propisima i svim nacionalnim sistemima sakupljanja. Ove mjere trebale bi pomoći u zaštiti okoliša.

Pitajte svog veterinara ili farmaceuta kako da odložite veterinarske lijekove koji vam više nisu potrebni. Svaki neiskorišten veterinarski proizvod ili otpadni materijal treba biti uništen sa odredbama Zakona o upravljanju otpadom (Sl.novine FBiH br.33/03)

### **13. Broj odobrenja za stavljanje u promet:**

**Kiltix 1.25 g/0.28 g, ogrlica protiv parazita za male pse;** UP-I-06-2-20/21-539/26, od 04. juna 2026. godine

**Kiltix 3.02g/0.68 g, ogrlica protiv parazita za pse srednje veličine;** UP-I-06-2-20/21-540/26, od 04. juna 2026. godine

**Kiltix 4.5 g/1.013 g ogrlica protiv parazita za velike pse;** UP-I-06-2-20/21-541/26, od 04. juna 2026. godine

### **14. Način izdavanja lijeka**

Izdaje se bez veterinarskog recepta.

Lijek nije namjenjen prodaji putem interneta ili drugog elektronskog medija.

### **15. Pakovanje**

Ogrlica je u folijskoj vrećici i kartonskoj kutiji.

Proizvođač odgovoran za puštanje serije u promet:

KVP Pharma und Veterinär Produkte GmbH, Projensdorfer Str. 324, 24106 Kiel, Njemačka/Elanco A.H. Njemačka

### **16. Nosilac odobrenja za stavljanje u promet u BiH:**

Bosna Vet doo Zenica, Goraždanska 36a, 72000 Zenica, tel: 032/423-196